

Oficina di Gobernador ta considera...

BUKI ZAANDAM TA OFENSIVO

ORANJESTAD(AAN)E insistencia di Zaandam pa ofende otronan pa expresa su rabia pa e hecho cu el a perde su trabao a cuminsa crea bastante antipatia pa señor Zaandam den comunidad Arubano. Su sentimentonan di venganza a bira demasiado obvio pa un y tur.

Lastra number di hendenan drechi den nos comunidad cu mentira y fantasia no ta algo digno di un ciudadano drechi y sigur no pa un ex-alto funcionario policial. E unico cos cu Zaandam ta logrando cu su exageracion den su campaña di difamacion ta cu hopi cu

por a lamenta su retiro awor ta cuminsa pensa cu un persona di asina poco nivel y cu tanto falta di etica berdaderamente no por tabata apto pa carga un funcion asina halto den cuerpo policial.

Esaki ta resalta tambe den carta di Gobernador cu ta considera e contenido di e buki di Zaandam como hopi ofensivo pa funcionarionan respecta den nos comunidad. Gobernador den carta pa Minister President ta expresa esaki bon cla. Oposicion a simplemente gaña ariba e contenido di e carta di gobernador y a haya nan mes borgonza na momento cu e carta di Gobernador a sali den publicidad. Locual Zaandam ta haci ta e campaña di susha Aruba y su dirigentenan cu acusacionnan di narcotrafico cu ya a yega di causa

hopi daño na e imagen di Aruba. Ta hustamente pa motibo di e mesun acusacionnan aki cu Aruba mester a traha duro pa desbarata tur e engañosan aki y cu a conduci na raportnan favorable pa Aruba y e dirigentenan, en especial Henny Eman y Minister Vos cu a muestra un rectitud cu a gana aprecio y admiracion internacionalmente.

Ta pa e motibo aki tambe cu den seno di Gobierno Hulandes y Americano Aruba y su Gobierno ta hayando tur cooperacion pa kita e daño cu a worde causa door di e mesun tipo di engañosan aki. Peseyna Merca y Hulanda e dirigentenan sa mihor, pero esnan cu no ta den gobierno of parlamento ta lesa tur e cosnan aki den medionan di comunicacion y ta kere cu ber-

dad Aruba ta un pais narco complaciente cu tur e consecuencianan pa futuro di nos pais.

A bira tempo pa traha Leynan cu ta castiga difamacion di nos isla turistico mes severamente cu ta castiga traicion, pasobra su efectonan ta mes catastrofico y su motivacion ta mes maligno cu un acto di traicion contra bo propio pais.

A bira tempo pa unanimamente Aruba lanta para y bisa basta na esnan cu ta hacie nan hobby pa lastra number di Aruba y su dirigentenan internacionalmente. E cos aki no ta wega. Pa tur competencia mester tin regla. Aruba no por sigui bira victima di frustracionnan personal y politico mas. Si bo kier debati, haci esaki cu argumento y razonamento, no cu mentira y falsedad.

F.C.C.A. cu proyecto pa traha flat den edificio di tres piso na Bushiri

ORANJESTAD (AAN) -- Manera ta conoci F.C.C.A tin varios proyecto di vivienda den ehecucion, entre otro, pariba di brug: Kustbaterij cu ta cabando, De Vijst cu ta den pleno desaroyo y Zeewijk cu ta bay cuminsa proxima-

mente. Asina drs. Frank Hoevertsz, director di F.C.C.A a bisa, den entrevista cu DIARIO.

El a agrega cu pabao di brug tin e proyecto di Bushiri cu ta finalizando, tambe esun di Sabana Basora, y den pleno construcion tin e proyecto di Ponton, Tanki Leendert, y aki poco tempo lo cuminsa esun di Modanza.

Tin planea tambe pa F.C.C.A bay na un pida nobo di Bushiri unda ta bay traha flat den edificionan di tres piso, pa asina haci uso mas eficiente di tereno. E oferta di flat ta tanto pa cumpra como pa huur.

Den pasado a bin cu plan pa traha un proyecto similar na Rooi Santo, pero el a worde para debi cu no tabata tin claridad den ley con pa bende vivienda di e tipo aki, pero drs. Hoevertsz a indica cu e problema legal aki a worde solucionado. For di e tempo ey e terenonan di Rooi Santo a worde tuma bek y duna pa hendenan traha cas individ-

ual.

E proyectonan aki ta na corto plazo, pa desaroya e aña aki mes.

Un otro proyecto conoci ta "Force-10" cu a keda na 120 cas, debi cu tin dificultad cu e distancia. Ta dificil pa deal cu un instancia na Australia, loke a crea hopi contratempo cune, segun drs. Hoevertsz a indica.

BAN CAS BEK!!



TELEFONNAN
826747
FAX
828551